



RAPORTI I AUDITUESIT
MBI VERIFIKIMIN E VEPRIMEVE NE BAZËN E TE DHËNAVE TE
REGJISTRIT KOMBËTAR TE GJENDJES CIVILE

Përgatiti:
Laert Kraja
Audit Teknikien

A handwritten signature in blue ink, appearing to read "Laert Kraja".

Lënda : **Raporti Auditimit**

Drejtuar : **Komisionit Qendror te Zgjedhjeve**
Komisioneri dhe Nënkomisioneri Shtetëror për Zgjedhje

Të nderuar anëtarë të Komisionit Qendror të Zgjedhjeve.

Në zbatim të vendimit Nr. 2, datë 14.12.2022, të Komisionit Qendror të Zgjedhjeve "Për emërimin e auditit teknikien për mbikëqyrjen e procesit të hartimit të listave të zgjedhësve, për zgjedhjet të datës 14Maj 2023" dhe udhëzimit Nr.2, datë 28.12.2012 të KQZ "Për miratimin e rregullave të veçanta për kushtet e kontratës dhe kryerjen e auditimit nga auditët teknikien për verifikimin e veprimeve në bazën e të dhënave të Regjistrit Kombëtar të Gjendjes Civile (RKGJC) dhe në sistemin elektronik të verifikimit dhe regjistrimit të zgjedhësve (SEV), ju paraqes më poshtë raportin e auditimit të kryer për periudhën ekstraktin e parë datë 22 Nëntor 2022, ekstraktin e dytë datë 19 Dhjetor 2022, ekstraktin e tretë 21 Janar 2023 dhe të katërt 19 Shkurt 2023.

Verifikimet paraprake mbi bazën e të dhënave në Regjistrin Kombëtar të Gjendjes Civile dhe ekstraktet e përbërësve zgjedhore e listat e zgjedhësve të gjeneruara nga Regjistri Kombëtar i Gjendjes Civile (RKGJC) në zbatim të "Kodit Zgjedhor", Ligjit "Për Gjendjen Civile", janë kryer duke përdorur metodën e testimit dhe krahasimit nëpërmjet përkëmbimeve të përcaktuara në Udhëzimin e Ministrit të Brendshëm Nr.370, datë 07.12.2012 "Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile".

Për përmbushjen e misionit të ngarkuar kam vlerësuar metodat dhe parimet e përdorura për kontrollin e dublimeve në listat e zgjedhësve sipas procedurave të parashikuara në aneksin nr.1 të Udhëzimit të Ministrit të Brendshëm Nr.370, datë 07.12.2012 "Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile", respektimin e kriterit ligjor për numrin e zgjedhësve për qendrat e votimit si dhe kriteret e tjera të vendosur në ligj.

Përgjegjësia e audituesit është të verifikojë përputhshmërinë e veprimeve të kryera nga DPGJC me rregullat e përcaktuara në Kodin Zgjedhor, ligjin për

"Gjendjen Civile" dhe aktet e tjera ligjore dhe nënligjore mbi bazën e të dhënave të Regjistrit Kombëtar të Gjendjes Civile.

Përmbajtje

1. Hyrje	5
2. Baza Ligjore.....	7
3. Situata e përgjithshme e punës dhe të dhënat bazë paraprake.....	8
4. Verifikimi i integritetit dhe problematikat në Listën e Zgjedhësve.....	11
4.1. Shtetas të pa identifikuar, me kode banimi jo të rregullta.....	11
4.2. Shtetas me QV të ndryshuar nga Ekstrati 2 në Ekstraktin 4.....	12
5. Administrimi i procesit sipas detyrimeve ligjore	15
6. Opinion.....	16
7. Shtojca	17

1. Hyrje

Ne kuadër të zgjedhjeve, sipas dekretit Nr.1386 të Presidentit të Republikës, datë 24.10.2022, do të zhvillohen më datë 14Maj 2023 nëpërmjet vendimit Nr. 2, datë 14.12.2022, të Komisionit Qendror të Zgjedhjeve "Për emërimin e auditit teknikien për mbikëqyrjen e procesit të hartimit të listave të zgjedhësve është bere caktimi i auditit teknikien është bere caktimi im si Auditues Teknikien.

E gjithë puna është bazuar dhe do të bazohet në përcaktimet e Udhëzimit nr. 2, datë 28.12.2012 të KQZ "Për Miratimin e Rregullave të Veçanta,për Kushtet e Kontratës dhe Kryerjen e Auditimit,nga Auditët Teknikien,për Verifikimin e Veprimeve në Bazën e të Dhënave të Regjistrimit Kombëtar të Gjendjes Civile (RKGJC) dhe në Sistemin Elektronik të Verifikimit dhe Regjistrimit Të Zgjedhësve (SEV)"; i cili në nenin 7 përcakton objektin, në lidhje me verifikimet e veprimeve në bazën e të dhënave, si më poshtë:

Objekt i auditimit nga auditët teknikien është kontrolli i përputhshmërisë së veprimeve të kryera për hartimin e listave të zgjedhësve nga zyrat e gjendjes civile dhe Drejtoria e Përgjithshme e Gjendjes Civile, me rregullat dhe afatet e përcaktuara në Kodin Zgjedhor, ligjin për Gjendjen Civile si dhe aktet nënligjore të dala në zbatim të tyre të nxjerra nga Ministri i Brendshëm.

Me qëllim realizimin e kësaj objektive, puna jonë është përqendruar në verifikimin e të gjithë elementëve të listave të zgjedhësve të gjeneruara nga Regjistri Kombëtar i Gjendjes Civile, në lidhje meekzistencës dhe saktësisë e të dhënave për të gjithë ata shtetas të cilët gëzojnë të drejtën që të jenë zgjedhës, sipas përcaktimeve të Kodit Zgjedhor të Republikës së Shqipërisë, Ligji Nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar me ligjin nr.74/2012, datë 19.07.2012, ligjin nr. 31/2015, datë 02.04.2015, ligjin nr. 101/2020, datë 23.7.2020 dhe ligjin nr. 118/2020 datë 05.10.2020.

Ne zbatim të detyrës të caktuar kontrolli i ekstraktit të përbërësve zgjedhor përfshin në përgjithësi:

- Njohjen dhe verifikimi i procedurave të kryera nga Drejtoria e Përgjithshme e Gjendjes Civile pranë Ministrisë të Brendshme, Zyrave e Gjendjes Civile pranë Bashkive dhe Njësi Administrative, si dhe të strukturave të tjera të pushteti vendor, të cilat direkt apo indirekt ndikojnë në përgatitjen e listës së zgjedhësve.

- Verifikimi mbi masat e ndërmarra për sigurimin e integritetit të bazës së të dhënave dhe mbi procedurat e mirëmbajtjes dhe administrimit të sistemeve të Regjistrit Kombëtar të Gjendjes Civile.
- Kryerjen e verifikime mbi veprimet e kryera nga shërbimi i Gjendjes Civile të cilat ndikojnë në elementët zgjedhorë, sipas përcaktimeve të nenit 45, të ligjit nr. 10019 me datë 28.12.2008 "KODI ZGJEDHOR I REPUBLIKES SE SHQIPERISE" i ndryshuar.

2. Baza Ligjore

- Ligji Nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar me ligjin nr.74/2012, datë 19.07.2012, ligjin nr. 31/2015, datë 02.04.2015, ligjin nr. 101/2020, datë 23.7.2020 dhe ligjin nr. 118/2020 datë 05.10.2020.
- Ligji Nr.10129, datë 11.05.2009 "Për gjendjen civile", i ndryshuar me ligjin Nr.6/2012, datë 02.02.2012, ligjin Nr.130/2013 datë 25.04.2013, ligjin Nr.134/2016 datë 22.12.2016 dhe ligjin Nr.69/2018 datë 11.10.2018.
- Ligji nr. 10325, datë 23.09.2010 "Për bazat e të dhënave shtetërore"
- VKM Nr.365, datë 11.6.2004 "Për krijimin e mënyrën e mbajtjes së Regjistrit Kombëtar të Gjendjes Civile dhe për rregullat e shfrytëzimit të teknikës dhe rrjetit informatik".
- VKM Nr.673, datë 22.11.2017 "Për riorganizimin e Agjencisë Kombëtare të Shoqërisë së Informacionit", i ndryshuar me Vendimin e KM Nr.36, datë 24.01.2018, Vendimin e KM Nr.88, datë 14.02.2018 dhe Vendimin e KM Nr.448, datë 26.07.2018.
- VKM Nr. 945, datë 2.11.2012 "Për Miratimin e Rregullores 'Administrimi i Sistemit të Bazave të të Dhënave Shtetërore'"
- VKM Nr. 710 datë 21 gusht 2013 "Për Krijimin dhe Funkionimin e Sistemeve të Ruajtjes së Informacionit, Vazhdueshmërisë së Punës dhe Marrëveshjeve të Nivelit të Shërbimit" i ndryshuar,
- VKM 222 date 26.4.2018 "Për miratimin e listës se infrastrukturave kritike te informacionit dhe listës se infrastrukturave te rëndësishme te informacionit"
- Udhëzimit të Ministrit të Brendshëm Nr.11152, datë 28.10.2022 "Për procedurat e hartimit të listave të zgjedhësve për organet e qeverisjes vendore".
- Udhëzimit të Ministrit të Punëve të Brendshme, Nr.225, datë 11.05.2016 "Për procedurat e pezullimit nga lista e zgjedhësve për shtetasit që vuajnë dënimin e parashikuar nga Ligji Nr.138/2015 "Për garantimin e personave që zgjidhen, emërohen dhe ushtrojnë funksione publike".
- Udhëzimit të Ministrit të Brendshëm Nr.370, date 07.12.2012 "Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile".
- Udhëzimit të KQZ-së Nr.2, datë 28.12.2012 "Për miratimin e rregullave të veçanta për kushtet e kontratës dhe kryerjen e auditimit nga auditët teknikien për verifikimin e veprimeve në bazën e të dhënave të Regjistrit

Kombëtar të Gjendjes Civile (RKGJC) dhe ne sistemin elektronik të verifikimit dhe regjistrimit të zgjedhësve (SEV)

3. Situata e përgjithshme e punës dhe të dhënat bazë paraprahe

Duhet theksuar që në fillim se me marrjen e detyrës kemi zhvilluar takimin e parë më datë 27dhjetor me zyrtarët kryesorë të Drejtorisë së Përgjithshme të Gjendjes Civile, për të siguruar kushtet minimale të punës dhe për të marrë informacionet bazë të nevojshme për zhvillimin e punës sonë. Që në takimin e parë dhe në vazhdim janë kërkuar

1. Përcaktimi i një posti pune pranë DPGjC dhe aksesit në Sistemin Informatik të Regjistrimit Kombëtar të Shtetasve, dhe/apo sisteme të lidhura me të.
2. Kopje zyrtare të Ekstraktit të Listës së Zgjedhësve dhe statistikave përkatëse.
3. Numri i Dublimeve të dyshuara
4. Informacion mbi procesin e përditësimit të adresave të shtetasve
5. Informacion mbi procedurat e realizuara në lidhje me reflektimin në Regjistrin Kombëtar të Shtetasve (RKSH) të dekreteve të Presidentit të Republikës për dhënie/marrje shtetësie
6. Statistika mbi të dhënat për QV-të të cilat nuk plotësojnë kriteret ligjore.

Gjithashtu më datë 04Janar 2023 kam marrë statistikave para mbi ekstraktet e përbërësve zgjedhorë të gjeneruara në datat 22 Nentor 2022, 19 Dhjetor 2022.

Bazuar në statistikave të përgatitura nga DPGjC-së për të katër ekstraktet, ekstraktit të parë (Ekstrakt 1) gjeneruar në datën 22 Nentor 2022, ekstraktit të dytë (Ekstrakt 2) të gjeneruar në datë 19Dhjetor 2022 dhe ekstraktit të tretë (Ekstrakt 3) të gjeneruar në datë 21Janar 2023gjithashtu ekstraktin e katërt(Ekstrakt 4) të gjeneruar në datë 19 Shkurt 2023 na janë venë në dispozicion të dhënat e përgjithshme si më poshtë:

Nr.	Përshkrimi	Ekstrakt 1	Ekstrakt 2	Ekstrakt 3	Ekstrakt 4
1	Numri i përgjithshëm i shtetasve me të drejtë votimi	3,660,605	3,658,880	3,656,301	3,653,988
	a. Meshkuj	1,848,733	1,847,803	1,846,469	1,845,198
	b. Femra	1,811,872	1,811,077	1,809,832	1,808,790
2	Të pa përfshirë në lista (për shkak të qendrave jashtë limitit) nga të cilët:	115,514	25,218	2,738	2,476
	a. Shtetas mbi 100 vjeç të pa përfshirë	3,845	3,827	3,795	3,779
	b. Shtetas të pa përfshirë sipas udhëzimit nr. 225 datë 11.05.2016	754	750	752	805
	c. Të tjerë me numër QV jashtë limitit	115,514	25,218	2,738	2,476
3	Numri i Votuesve në listë	3,545,091	3,633,662	3,653,563	3,651,512
4	Numri i QV-ve në total	5096	5198	5193	5194
5	Numri i QV-ve mbi 1,000 zgjedhës	104	22	1	1
6	Numri i QV-ve nën 300 zgjedhës, nga të cilat	279	33	8	7
	a. 15-300 zgjedhës (QV të veçanta)	3	3	3	6
	b. Më pak se 15 zgjedhës	276	30	5	1
7	Numri i zgjedhësve me numër banimi 000 888 999	5,365	1,367	648	590

Në një vështrim të përgjithshëm nga treguesit e mësipërm rezulton se:

1. Kemi zvogëlim të numrit të shtetasve me të drejtë vote nga Ekstrakt 3 në Ekstrakt 4 me 2,313 zgjedhës.
2. DPGjC dhe Bashkitë kanë eliminuar mbi 80% të qendrave të votimit me më pak se 300 votues, që si rezultat në Ekstrakt 4 janë 7numri i QV me më pak se 300 zgjedhës kundrejt 8 që ishin në Ekstrakt 3. Ajo që bie në sy janë QV me më pak se 15 zgjedhës, 1 QV, te cilat janë numra të gabuar dhe jashtë Njësisë Administrative respektive, jane pastruar gati plotësisht.

3. Ka një zvogëlim të ndjeshëm të numrit të shtetasve të pa përfshirë në listën e zgjedhësve në 2,476 shtetas në EK4. Dhe 262 janë përfshirë tashmë në liste. **Kjo shifër e votuesve duhet të shikohet rast pas rasti** për të identifikuar pse në EKSTRAKT 2 numri i QV të tyre ishte jashtë limiteve dhe çfarë procedurash janë kryer për të rregulluar/ndryshuar numrin e QV-së. Me gjenerimin e Ekstraktit të 5 ku pritet të eliminohet në shumicën e rasteve kjo problematike do të kërkohet DPGjC-së dhe informacioni i detajuar për këta shtetas.

4. Verifikimi i integritetit dhe problematikat në Listën e Zgjedhësve.

4.1. Shtetas të pa identifikuar, ose me kode banimi jo të rregullta.

Bazuar edhe në analizat e kryera që në vitin 2019, dhe në 2021 në listat për Zgjedhjet, fenomeni numrit të banesës (kodi i banimit) 000, 888 dhe 999 pothuajse nuk ekziston më. Në Ekstrakt 3 praktikisht kemi vetëm 648 shtetas me kod banese të pa identifikuar. Por fakti që për ata zgjedhës të cilët kanë pasur kod banese të pa identifikuar deklarohen kode të rinj të cilët janë mbi nivelet e listave të mëparshme duke arritur deri në kodin 998 krijon dyshime të mëdha për ndryshime fiktive dhe manipulim të vlerave të kodit të banesës për zgjedhësit në fjalë. Fenomen ky i evidentuar dhe në raportet e auditit teknikien të depozituara dhe kryera në vitin 2021. Rezulton se **178,550** zgjedhës kanë kod banese mbi 350 dhe **73,517** zgjedhës më të madh se 500. Detajet për këta shtetas për çdo bashki janë si në tabelën e mëposhtme. Nga investigimet e kryera dhe bazuar dhe në raportet e 2019 dhe 2021 kemi krijuar plotësisht bindjen se procesi i ndërmarrë nga DPGJC për këto kode ka qenë totalisht abuziv dhe kodet në shumicën dërrmuese të rasteve janë kode fiktive, ashtu sikurse kemi edhe votues me kod banimi në objekte jo banuese (objekte social kulturore, arsimore, industriale, etj.).

Nr.	Qarku	Kod Banese > 350	Kod Banese > 500
1	Berat	2,872	881
2	Dibër	156	139
3	Durrës	23,057	10,975
4	Elbasan	17,250	9,500
5	Fier	11,042	4,887
6	Gjirokastrë	1,534	277
7	Korçë	33,123	13,323
8	Kukës	935	271
9	Lezhë	4,952	932
10	Shkodër	12,035	4,985
11	Tiranë	57,905	22,976
12	Vlorë	13,689	4,371
Total		178,550	73,517

Duke e konsideruar si element me risk te lartë kemi kërkuar informacion DPGjC mbi kodin e baneses dhe procedurën se si vendosen kodet e banesave pasi kemi nje përbërës te kodit zgjedhor 10 shifror.

Bazuar në faktin se DPGjC ka kryer tashmë një proces të përditësimit të adresave, në mënyrë automatike pyetja që shtrohet është kur DPGjC ka identifikuar mbi 2 milion shtetas në banesa dhe ka përditësuar në RKGjC adresat e tyre pse nuk ka saktësuar fillimisht shtetasit me probleme historike te kodit te banesave por ne vitin 2018 ka ndërmarrë një operacion te gjere për te zëvendësuar fiktivisht kodet 999,888 etj. me kode te reja. Kjo pyetje nuk ka marre përgjigje shteruese as gjate raporteve te vitit 2021.

4.2. Shtetas të cilët i ka ndryshuar QV nga Ekstrakti 2 ne Ekstraktin 4

Bazuar në faktin se DPGjC ka kryer përditësimit të listës zgjedhore emërore pyetjes tonë mbi procedurat ligjore dhe teknike të përdorura për gjenerimin e ekstraktit 4, kemi marrë një përgjigje jo të plotë, sipas DPGJC është ndjekur Udhëzimi i Ministrit të Brendshëm nr. 207, datë 28.10.2022 "Për procedurat e hartimit të listave të zgjedhësve për organet e qeverisjes vendore". Në ekstraktin 4 të listës së zgjedhësve rezulton **të jetë ndryshuar Qendra e Votimit për 1,276,418** zgjedhës, **35% të totalit** krahasuar me Ekstrakti 2. Gjithashtu vrojtohet që renditja e listave të Qendrave të votimit është kryer pasi është realizuar ndarja në grupe (në rastet kur ato tejkalojnë limitin maksimal të përcaktuar nga kodi zgjedhor). Gjithashtu kemi vrojtuar që ndarja në grupe e qendrave të votimit që tejkalojnë limitin është kryer sipas një kriteri të pa qarte ose nuk është përbërës i listës zgjedhore.

Bashkia	Zgjedhes me QV te ndryshuar	Zgjedhes Total	Zgjedhes Total
Bashkia Berat	21,619	81,197	27%
Bashkia Dimal	9,342	31,612	30%
Bashkia Kuçovë	13,535	45,398	30%
Bashkia Poliçan	2,138	12,994	16%
Bashkia Skrapar	932	13,327	7%
Bashkia Bulqizë	3,226	29,754	11%

Bashkia Dibër	5,070	56,987	9%
Bashkia Klos	588	15,605	4%
Bashkia Mat	5,261	29,348	18%
Bashkia Durrës	142,845	266,159	54%
Bashkia Krujë	18,505	64,984	28%
Bashkia Shijak	13,252	37,309	36%
Bashkia Belsh	2,811	26,155	11%
Bashkia Cërrik	5,902	37,742	16%
Bashkia Elbasan	53,214	171,393	31%
Bashkia Gramsh	3,305	27,105	12%
Bashkia Librazhd	5,988	33,330	18%
Bashkia Peqin	4,467	30,535	15%
Bashkia Prrenjas	7,199	25,502	28%
Bashkia Divjakë	12,684	43,680	29%
Bashkia Fier	48,291	168,099	29%
Bashkia Lushnje	28,935	105,588	27%
Bashkia Mallakastër	3,859	31,150	12%
Bashkia Patos	10,687	34,316	31%
Bashkia Roskovec	9,054	25,792	35%
Bashkia Dropull	2,843	19,901	14%
Bashkia Gjirokastër	14,100	43,391	32%
Bashkia Këlcyrë	1,016	9,342	11%
Bashkia Libohovë	924	5,889	16%
Bashkia Memaliaj	1,433	15,708	9%

Bashkia Delvinë	4,776	14,865	32%
Bashkia Finiq	4,353	31,075	14%
Bashkia Himarë	7,599	22,807	33%
Bashkia Konispol	3,619	11,385	32%
Bashkia Sarandë	25,941	48,096	54%
Bashkia Selenicë	2,202	27,061	8%
Bashkia Vlorë	74,334	167,900	44%
	1,276,418	3,653,988	35%

5. Administrimi i procesit sipas detyrimeve ligjore

Në lidhje me administrimin e procesit të përgatitjes së listës së zgjedhësve konstatohet se:

1. DPGjC ka përgatitur ekstraktin e parë të listës së zgjedhësve më datë 22.11.2022, ekstraktin e dytë më datë 19.12.2022 dhe ekstraktin e tretë më datë 21.01.2023, dhe ekstraktin e katërt më datë 19.02.2023 afate të cilat janë në përputhje me kërkesat ligjore.
2. Në përgjigje të kërkesës për procedurat e ndjekura për të përgatitur ekstraktin e katërt të listës së zgjedhësve DPGJC vazhdon të mos ketë kthyer përgjigje të plotë.
3. Në përgjigje të kërkesës për informacion mbi rastet kur ne zbatim të Nenit 50, pika 2 se nga ana e DPGJC janë identifikuar raste të shkeljeve dhe cilat janë masat administrative të ndërmarra. DPGJC konfirmon se "Nuk janë konstatuar shkelje të cilat të ndikojnë në deformimin e përbërësve zgjedhor të zgjedhësve".
4. Kërkesës sonë për informacion në lidhje me zbatimin e nenit 52 të Kodit zgjedhor mbi "Njoffimin me shkrim i zgjedhësve" nga ana e DPGJC nuk është arritur të provohet me dokumentacion përkatës nëse është realizuar.

Bashkia Përmet	2,868	16,148	18%
Bashkia Tepelenë	1,376	12,690	11%
Bashkia Devoll	6,309	33,803	19%
Bashkia Kolonjë	3,860	15,168	25%
Bashkia Korçë	40,641	109,605	37%
Bashkia Maliq	8,277	49,621	17%
Bashkia Pogradec	24,307	73,554	33%
Bashkia Pustec	492	4,363	11%
Bashkia Has	1,905	16,566	11%
Bashkia Kukës	4,392	45,895	10%
Bashkia Tropojë	-	22,367	0%
Bashkia Kurbin	17,716	58,731	30%
Bashkia Lezhë	40,040	90,586	44%
Bashkia Mirditë	3,337	27,819	12%
Bashkia Fushë-Arrëz	-	8,789	0%
Bashkia Malësi e Madhe	9,128	45,471	20%
Bashkia Pukë	705	11,583	6%
Bashkia Shkodër	46,075	169,918	27%
Bashkia Vau-Dejës	824	40,054	2%
Bashkia Kamëz	68,052	108,650	63%
Bashkia Kavajë	21,481	66,515	32%
Bashkia Rrogozhinë	8,180	32,783	25%
Bashkia Tiranë	376,200	699,947	54%
Bashkia Vorë	14,404	30,881	47%



5. NËpamje të parëkemi rindarjen e QV dhe ndryshimin e renditjes në to e cila ka sjelle ndryshim të QV për **1,276,418** votues. Janë zbatuar përgjithësisht procedurat e udhëzimit të Ministrit të Brendshëm Nr.11152, datë 28.10.2022 "Për procedurat e hartimit të listave të zgjedhësve për organet e qeverisjes vendore", dhe të udhëzimit të Ministrit të Punëve të Brendshme, Nr.225, datë 11.05.2016 "Për procedurat e pezullimit nga lista e zgjedhësve për shtetasit që vuajnë dënimin e parashikuar nga Ligji Nr.138/2015 "Për garantimin e personave që zgjidhen, emërohen dhe ushtrojnë funksione publike" dhe të udhëzimit të Ministrit të Brendshëm Nr.370, date 07.12.2012 "Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile".

6. Opinion

Në përfundim të periudhës së tretë të auditimit referojmë se nuk kemi hasur vështirësi për të kryer misionin e ngarkuar sipas kodit zgjedhor.

Problematikat kryesore të evidentuara kanë të bëjnë me regjistrimin e zgjedhësve me një numër të lartë rendor të kodeve të banesave (problematikë e gjetur dhe në raportet e zgjedhjeve të meparshme) të cilat duhen bërë një kontroll i detajuar në zyrat e gjendjes civile për të parë dokumentacion përkatës të cilat perdoren për rregjistrimin e këtyre zgjedhësve

Ndryshimi i bërë mbi renditjen e listës zgjedhore ka afektuar tek 1, 276,418 zgjedhës të cilëve i ndryshojnë QV nga ekstrakti i dytë në ekstraktin e katërt.

Megjithëse zgjedhësit gjenden brenda zonës së qendrës së votimit atyre ju ka ndryshuar vendi i votimit. Në listat e reja të publikuara është e vështirë gjetja e emrit për shkak të renditjes sipas mbiemrit brenda qendrës së votimit dhe për pasojë një mbiemër mund të ndodhet në disa qendra brenda Zonës së qendrës së votimit, sidomos në rastin e Zonave me shumë qendra votimi (>5), gjetja e emrit është shumë e lodhshme, pothuaj e pamundur.

Drejtorja e Përgjithshme e Gjendjes Civile duhet të marrë masat për njoftimin e zgjedhësve dhe lehtësimin gjetjes së qendrës (vendit) të votimit për votuesit.

7. Shtojca